

Pinerlunnikkut aningaasarsianik malunnarunnaarsaanermut, qunusiarinninnikkullu anguniagaqarnermut pitsaaliuinermut suliniutinut inatsisini assigiinngitsuni inatsisit aalajangersagaannik allannguinermut, Kalaallit nunaanni atuutilersitsinermut peqqussut (pinerlunnikkut aningaasarsianik malunnarunnaarsaanermut inatsit)

VI FREDERIK-iup QULINGAT, Guutip Illernartitaa Danmarkip Kunngia, ilumuuissumik suliaraa:

Pinerlunnikkut aningaasarsianik malunnarunnaarsaanermut, qunusiarinninnikkullu anguniagaqarnermut aningaasaliinermut pitsaaliuinermut suliniutinut inatsimmi § 85, imm. 2 aamma 4-mi, tak. imm. 1, inatsit nr. 651, juunip 8.-ni 2017-meersoq (pinerlunnikkut aningaasarsianik malunnarunnaarsaanermut inatsit) naapertorlugu, inatsimmi nr. 480-mi, majip 12.-ni 2023-meersumi, aamma inatsit nr. 1666-mi, decembarip 30.-ni 2024-meersumi allanngortinneqartoq, aalajangersarneqarpoq:

§ 1

Pinerlunnikkut aningaasarsianik malunnarunnaarsaanermut, qunusiarinninnikkullu anguniagaqarnermut aningaasaliinermut pitsaaliuinermut suliniutinut inatsimmi (pinerlunnikkut aningaasarsianik malunnarunnaarsaanermut inatsit), maajip 17.-ni 2021-meersumi, kunngip peqqussutaani nr. 956-mi Kalaallit nunaanni atuutilersinneqartoq, peqqussut 2627-mi, decembarip 29.-ni 2021-meersumi allanngortinneqartoq, juunip 26.-ni 2023-meersumi, juunip 26.-ni 2023-meersumi, peqqussut nr. 920-mi, aamma peqqussut nr. 859, juunip 26.-ni 2024-meersumi, §§ 2-6 malillugu allannguutit tamakkua suliarineqassapput.

§ 2

Pinerlunnikkut aningaasarsianik malunnarunnaarsaanermut, qunusiarinninnikkullu anguniagaqarnermut aningaasaliinermut pitsaaliuinermut suliniutinut inatsimmi (pinerlunnikkut aningaasarsianik malunnarunnaarsaanermut inatsit), Kalaallit nunaanni

atuutilersinneqartoq, tak. § 1, § 57, imm. 1, 1. pkt., inatsit nr. 651, juunip 8.-ni 2017-meersaq naapertorlugu, imaalissaaq:

»§ 57 § 1, imm. 1, nr. 14, 16-mi, 21-milu suliffeqarfiit inuillu pineqartut, nunanit allameersunit suliffeqarfinni taamaattuni, nunami maani immikkoortortaqarfiit, nassiussuisartut, tuniniaasartullu, inuillu inatsisinik taakkuninnga eqquutsitsisussaanerinnik, tamatumunnga malittarisassat atuutsinneqartut naapertorlugit, kiisalu nunanut, inunnut, eqimattanut, inatsisinillu malinnittussaataasunut tamanut, imaluunniit atortut, inatsisit malittarisassanik imaqartunik eqquutsitsinerinnik, Inuussutissarsiornermi aqutsisoqarfimmiit nakkutigineqarput.«

§ 3

Pinerlunnikkut aningaasarsianik malunnarunnaarsaanermut, qunusiarinninnikkullu anguniagaqarnermut aningaasaliinermut pitsaaliuinermit suliniutinut inatsimmi (pinerlunnikkut aningaasarsianik malunnarunnaarsaanermut inatsit), Kalaallit nunaanni atuutilersinneqartoq, tak. § 1, §§ 59 aamma 60, inatsit nr. 651, juunip 8.-ni 2017-meersaq, malillugu imatut allanneqassaaq:

»§ 59. § 1, imm. 1, nr. 14, 16-mi, aamma 21-mi taaneqartumi, suliffeqarfiit, inuillu, paasissutissanik aqutsisoqarfiup suliffeqarfianut pingaaruteqartunik, Inuussutissarsiornermut aqutsisoqarfimmut tunniussissapput.

Imm. 2. Paasissutissanik piniarneq siunertaralugu, siunertamut piumasarineqartillugu, eqqaartuussisumiit aalajangiineqanngitsumik sukkulluunniit, § 1, imm. 1, imm. 1, nr. 14, 16 aamma 21-mi ilaatinneqartunut suliffeqarfinnut, inunnullu tutsuiginartumik kinaassutsimut uppersaammut, Inuussutissarsiornermut aqutsisoqarfimmiit pisinnaatitaaffiuvoq, takuneqarsinnaasumi nakkutilliinermi pulaarnermi.

§ 60. § 1, imm. 1, nr. 14, 16-mi, 21-milu taaneqartuni, inatsimmik tassannga unioqqutitsineqartillugu, inatsimmi tassani, aalajangersakkat malittarisassai atuutsinneqartut naapertorlugit, piffissarititaasup atuutilersitaasup iluani, suliffeqarfiit,

inuillu suliniutinik pisariaqartunik suliaqaqqusinermit, Inuussutissarsiornermut aqutsisoqarfiup peqqusinnaavai, nunanut, inunnut, eqimattanut, inatsisinillu malinnittussanut kikkunnulluunniit, atortunulluunniit aningaasaqarnermi, iliuusereriikkamut kingunerititanut inatsisilluunniit malittarisassanik imaqtut.«

§ 4

Pinerlunnikkut aningaasarsianik malunnarunnaarsaanermit, qunusiarinninnikkullu anguniagaqarnermit aningaasaliinermit pitsaaliuinermit suliniutinut inatsimmi (pinerlunnikkut aningaasarsianik malunnarunnaarsaanermit inatsit), Kalaallit nanaanni atuutilersinneqartoq, tak. § 1, § 35, imm. 1, 1. pkt. inatsit nr. 651, juunip 8.-ni 2017-meersoq naapertorlugu imatut allanneqassaaq:

Qinigassatut allatut aningaasaliinermit aningaasaateqarfinnut tunngatillugu, »§ 1, imm. 1, nr. 5, 8 aamma 10-mi suliffeqarfiit, inuillu ilaatinneqartut, aamma nr. 12, 14, 16, 19-mi, 21-26-milu, aaqqissuussaq piussaaq, immikkut arlaannaanulluunniit atassueqanngitsumik, namminersuutigisat aqqutigalugit, inatsimmik tassannga, tamatumunngalu malittarisassanik atuutsinneqartunik unioqqutitsinermit, sulisuinit unioqqutitsinerit unioqqutitsissutigineqarsinnaasulluunniit nalunaarutigineqarsinnaapput.«

§ 5

Pinerlunnikkut aningaasarsianik malunnarunnaarsaanermit, qunusiarinninnikkullu anguniagaqarnermit aningaasaliinermit pitsaaliuinermit suliniutinut inatsimmi (pinerlunnikkut aningaasarsianik malunnarunnaarsaanermit inatsit), Kalaallit nanaanni atulersinneqartoq, tak. § 1, § 36, imm. 1, 1. pkt. inatsit nr. 651, juunip 8.-ni 2017-meersoq naapertorlugu imatut allanneqassaaq:

»Inatsimmik tassannga, malittarisassanillu atuutsinneqartunik, sulisumiit, sulisuusimasumiilluunniit suliffeqarfiup, inuulluunniit unioqqutitsissutaanik, unioqqutitsissutigisinnaasaanilluunniit nalunaarutigineqarnerata kingunerisaanik,

tassannga nakkutilliisitaasoq, suliffeqarfiulluunniit aaqqissuussaanera naapertorlugu, suliffeqarfiit, inuillu § 1, imm. 1, nr. 5, 8 aamma 10-mi ilaatinneqartut, allatut periarfissatut aningaasaliinermut aningaasaateqarfinnut, aamma nr. 13, 14, 16, 19-mut, 21-26-mullu tunngatillugu, sulisunut, sulisuusimasunulluunniit iluaqutissaanngitsumik, iluaqutissaanngitsumilluunniit malitsilimmik pinnittoqaqqusaanngilaq,«

§ 6

Pinerlunnikkut aningaasarsianik malunnarunnaarsaanermut, qunusiarinninnikkullu anguniagaqarnermut aningaasaliinermut pitsaaliuinermit suliniutinut inatsimmi (pinerlunnikkut aningaasarsianik malunnarunnaarsaanermut inatsit), Kalaallit nunaanni atulersinneqartoq, tak. § 1, allanneqassaaq § 38, imm. 5-tut, inatsit nr. 651, juunip 8.-ni, 2017-meersoq naapertorlugu, imaassaaq:

»Imm 5. § 26, imm. 1 aamma 2 malillugu nalunaarutiginninnermut paasissutissat, imaluunniit taamaaliorniarneq eqqarsaatigineqarpat, imaluunniit § 25, imm. 1 malillugu, paasiniaaneq aallartinneqarpat, aallartinneqartussaappalluunniit, § 1, imm. 1, nr. 13, 14 aamma 16-mi ilaatinneqartut suliffeqarfiit, inuillu akunnerinni ingerlateqqinneqarsinnaavoq, suliffeqarfiillu assigisai, EU-mi, EØS-nunaniluunniit, nunalluunniit pingajuanni angerlarsimaffeqartuni pinerlunnikkut aningaasarsianik aningaasaliinermut system-i, imaluunniit qunusiarinninnikkut anguniagaqarnermi aningaasaliinermut pitsaaliuinermit suliniutinut atorneqartussat, Europa-Parlament-mi, Siunnersuisooqatigiinnilu malitassaq 2015/849/EU-mi, maajip 20.-ni 2015-meersumi, inuk paasissutissanik ingerlatitseqqiisoq, inullu paasissutissanik ingerlatitsivigineqartoq, pinerlunnikkut aningaasarsianik, qunusiarinninnikkullu anguniagaqarnermut aningaasaliinermut pitsaaliuinermit malittarisassanik eqquutsitsinermit ataatsimoorussamik piginneqatigiinneq, ataatsimoorussamik aqutsisooqatigiinneq, ataatsimoorussamilluunniit nakkutilliinermut malittarisassanik eqquutsitsineq.«

§ 7

Aalajangersagaq juunip 1.-ni 2026-mi atuutilersinneqassaaq.

